

**Saturday, August 30, 2025**

**Time - 2:30pm - 2:35pm**

**AKASHVANI AIZAWL**

**REGIONAL NEWS UNIT**

**BAWNGKAWN INCIDENT**

Nizana Aizawl Bawngkawn venga a insualpui kaptu Rochhingpuia chu Judicial Custody-ah dah nghal a ni a, silaia a kah Lalhriatrenga Siakeng chu enkawl mek a ni.

Police te chuan Akashvani zawhna chhangin Rochhingpuia chu dan lam thuneitute hnenah dah nghal a nih thu leh an ni rel anga a awm zui dawn thu an sawi a. Rochhingpuia'n a kah Lalhriatrenga Siakeng chu damdawiinah la enkawl mek a nih thu leh a dam chhuah chu beiseiawm mahse a hliam a nat deuh avangin hun a la duh an rin thu an sawi a ni.

Lalhriatrenga Siakeng chenna veng Zotlang Local Council leh YMA hruaitute chuan vawiin khan thuchhuah intawm siamin an veng tlangval chu pistol in na taka kah a nih thu leh tunah hian dinhmun ngaihtuahawm taka awmin Greenwood Hospital ICU-ah a awm mek thu an sawi a. Pawi khawihtu chu ruihhlo (meth) zawrh avanga a awmna hmasa atanga hnawhchhuah pawh lo tawk tawh a nih thu leh hetiangam ram leh khawtlang duh loh thila inhnawhniawh ten khawpui laili a pawh rapthlak tak an khawih ngam ta mai chu pawh an tih tak zet thu an sawi a. Pawi khawihna thlang chu an ni Zotlang Branch YMA leh Local Council te chuan pawh an tih thu leh an dem takzet thu an sawi a. Pawi khawihtu chuan a phu tawh hremna hmu ngei se an duh thu leh hremna a hmuh ngei theih nan a tuartu Pu Lalrawngbawla Siakeng te chhungkua chu an thlawp tlat dawn thu an sawi a ni.



**MPCC TREASURER**

MPCC Treasurer Dr Lalmalsawma Nghaka'n ZPM chu an intiam loh ang hlira an kal ta mai chu Zoram mipuiten mak an tih thu sawiin an kal dan enin kalphung thar aiin kalphung dik an mamawh zia a lang Chiang Hle a ni a ti.

Mamit District a tlawha a thusawiah he thu hi sawiin MPCC Treasurer chuan an party chuan Zoram Dam Lehna Tur Policy an duan mek thu a sawi a. Zoram Dam Lehna Tur Policy nen hian an sorkar leh dawn thu sawiin policy duan mek chu ZPM research an tih te, MNF party policy te nen khaikhin chi a ni lo tih a sawi a. An ni chuan kum eng emaw zat an zir tawh thu leh kimchang taka tlangzarh hun lo nghak hram hram tura Zoram mipuite an ngen thu a sawi a ni.

Dr. Lalmalsawma Nghaka chuan Zoram Dam Lehna Policy an duan mek chu Mizoram mil zawng leh Mizoram a zawh tawkin an duan mek thu a sawi a. NLUP changtlung zawk tih te, NLUP tha mi ti tea sawi a ni bawh tih sawiin an hotuten an rawn her rem zel tur thu leh Congress party chuan an tih hlawhtlin theih ngei tur policy an chhawp chhuah dawn thu a sawi bawh.



## **SIALHAWK PINEAPPLE**

Mizorama lakhuihthei thar tam ber Sialhawk khua-a lakhuihthei chingtute chuan tun lai hian lakhuihthei an seng mek a, kumin hian Quintal 7500 an hralh chhuak tawh.

Sialhawk khua hian Lakhuihthei hralhna kawngah harsatna an tawk an tawk nual a, heng an harsatna tawh chungchangah hian Sialhawk Pineapple Growers Society chuan MIFCO Chairman Pu Lalthazuala Royte hnenah an harsatna te thlenin, Chhingchhipa MIFCO hmuna sawngbawl turin Sialhawk lakhuihthei leisak turin an ngen a. MIFCO Chairman-in hma a laksakna zarah hian August ni 13 aṭangin MIFCO ah hian an chung lut a, MIFCO in Sialhawk lakhuihthei an leisak zawng zawng hi quintal 170 leh kg 88 a ni.

\_Byte\_

July thla khan Guwahati Aromatic Company nen inremna an lo siam tawh angina Quintal 400 an hralh a, kawng chhiat avangin hei bak an thawn belh thei lo a, Mizoram chhungah Aizawl leh khawpui dangahte lakhuihthei hi hralhin August ni 26 thleng hian quintal 7500 vel an hralh tawh a. Lakhuihthei hi tunah hian Kg. 1 Rs. 10/- in an hralh a ni.

Sialhawkah hian lakhuihthei chingtu chhungkaw 250 vel an awm a. Mizoram pum lakhuihthei thar chhuah aṭanga za zela 64% hi Sialhawk khaw thar chhuah a ni.



## **AIR NEWS**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve ah Chanchinthar puan leh a ni ang.



## **DRUGS SEIZED**

Central YMA chuan kar hmasa chhung khan Heroin hawng 7 an man a, hemi kaihnawihah hian mi 47 man an ni bawk.

Central YMA hnuai CADS chuan August ni 23 leh August ni 29 inkar khan No. 4 : Hawng - 7, Tictac bur – 85, damdawi thahnem tak bakah Ganja kg 2 leh gram 360 bakah Ruihhlo kaihnawihah hian mi 47 an man tel a, Counselling mi 26 hnenah pek niin Excise and Narcotics kutah mi 2 hlan an ni bawk.



## **PM MANN KI BAAT**

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 125-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

